


# Фарзандларга яхшилик қилиш



## ФАРЗАНДЛАРГА ЯХШИЛИК ҚИЛИШ

Шайх Мұхаммад Содик Мұхаммад Юсуп  
ХАДИС ВА ҲАЁТ КИТОБИДАН



19:45 / 12.07.2017 3982

4524. Абу Ҳурайра розияллоҳу анҳудан ривоят қилинади:

**«Ал-Ақрағ ибн Ҳобис Таймий Расулуллоҳ соллаллоҳу алайҳи  
васалламнинг ҳузурларида ўтирганида у зот Ҳасан ибн Алини  
ўпдилар.**

Шунда у:

**«Менинг ўнта болам бор. Улардан бирортасини ўпганим йўқ», деди.**

**Бас, Расулуллоҳ соллаллоҳу алайҳи васаллам унга назар солдилар  
ва:**

**«Раҳм қилмаганга раҳм қилинмас», дедилар».**

Бухорий, Абу Довуд ва Термизий ривоят қилганлар.

**Шарҳ:** Пайғамбар соллаллоҳу алайҳи васаллам ўта болажон эдилар. У зот ўз набиралари имом Ҳасан ва имом Ҳусайнларни жуда ҳам яхши кўрар ва уларга меҳрибонлик кўрсатар эдилар.

Ушбу ривоятда у зот соллаллоҳу алайҳи васалламнинг имом Ҳасан розияллоҳу анҳуга кўрсатган меҳрлари, саҳобалардан бирларининг бунга

бўлган муносабатлари ва ушбу муносабатнинг Пайғамбар соллаллоҳу алайҳи васаллам томонларидан баҳоланиши ҳақида сўз кетмоқда.

Ушбу ҳадиси шарифдан олинадиган фойдалар:

1. Пайғамбар соллаллоҳу алайҳи васалламнинг ёш болаларни ўпиб туришлари. Бундан бошқалар ҳам бу ишни қилишлари жоизлиги келиб чиқади.
2. Боласини ўпиш унга раҳм кўрсатиш экани.

3. Киши бирорга, хусусан, ўз боласига раҳм қилмаса, Аллоҳ таоло ҳам ўша кишига раҳм қилмаслиги.

4525. Усома ибн Зайд розияллоҳу анҳумодан ривоят қилинади:

**«Расулуллоҳ соллаллоҳу алайҳи васаллам мени олиб, сонларига ўтириғизар эдилар. Ҳасанни эса бошқа сонларига ўтириғизар эдилар. Сўнгра сонларини бир-бирига қўшиб туриб:**

**«Аллоҳим! Иккисини раҳм қилгин! Албатта, мен уларга раҳм қилурман», дер эдилар».**

Бухорий ривоят қилганлар.

**Шарҳ:** Ушбу ҳадиси шарифдан олинадиган фойдалар:

1. Бирорнинг боласини ҳам қучоғига олиб ўтириш мумкинлиги.
  2. Икки болани қучоққа олиб ўтириш жоизлиги.
3. Аллоҳ таолога болаларга раҳм қилишни сўраб, дуо қилиб туриш кераклиги.

4526. Оиша розияллоҳу анҳодан ривоят қилинади:

**«Бир аъробий Набий соллаллоҳу алайҳи васалламнинг ҳузурларига келди ва:**

**«Сизлар болаларни ўпасизларми? Биз уларни ўпмаймиз», деди.**

**Шунда Набий соллаллоҳу алайҳи васаллам: «Аллоҳ қалбингдан раҳматни суғуриб олган бўлса, мен нима ҳам қила олар эдим», дедилар».**

*Икки шайх ривоят қилғанлар.*

**Шарҳ:** Бундан болаларни ўпиб туриш қалбда раҳмат борлигининг аломати экани келиб чиқади. Аксинча, болаларни ўпмаслик Аллоҳ таоло ўша одамнинг қалбидан раҳматни суғуриб олганининг аломатидир.

4527. Яна ўша кишидан ривоят қилинади:

**«Хузуримга бир аёл ўзининг икки қизи билан тиланчилик қилиб келди. У менда бир дона хурмодан бошқа нарса топмади. Бас, мен ўшани (унга) бердим. У эса уни икки қизига бўлиб берди. Сўнгра туриб, чиқиб кетди. Кейин Набий соллаллоҳу алайҳи васаллам кирдилар. Мен у зотга сўзлаб бердим. Шунда у зот:**

**«Ким ушбу қизлардан бирор нарса ила синалса, у уларга яхшилик қилса, улар унга дўзахдан парда бўлурлар», дедилар».**

*Икки шайх ва Термизий ривоят қилғанлар.*

**Шарҳ:** Бу ҳадиси шарифда ўша вақтда Пайғамбар соллаллоҳу алайҳи васаллам ва у зотнинг оиласлари қанчалар содда, оддий ва камтарона ҳаёт кечирганлари билан танишмоқдамиз. Қаранг, шундай улуғ зотнинг уйларида тиланчига бериш учун бир дона хурмодан бошқа нарса топилмаса! Ўша бир дона ҳам ҳақдорга берилди.

Ўша тиланчи аёл ҳам бу ишни ночорлигидан қилаётган экан. Дарҳол ўша бир дона хурмони икки қизига бўлиб берди. У ўша қизлари учун яхшилик қилди ва Набий алайҳиссаломдан у дунёда дўзах ўтидан пардаланиш ваъдасини олди.

*Ушбу ҳадиси шарифдан олинадиган фойдалар:*

1. Пайғамбар соллаллоҳу алайҳи васаллам ва Оиша онамиз розияллоҳу анҳонинг ўта камтар ва камбағал ҳаёт кечирганликлари.
2. Ўша пайтда ночорликдан қизларини эргаштириб, тиланчилик қилиб юрган аёллар бўлганлиги.
3. Ҳақдор тиланчи келганида бир дона хурмо бўлса ҳам бериш кераклиги.
4. Оналар қизларга меҳрибон бўлишлари зарурлиги.
5. Қиз фарзандга яхшилик қилиш алоҳида тақдирга сазовор иш экани.

6. Қиз фарзандга күрсатилған яхшилик ўша яхшиликни қилған шахс учун қиёматда дўзахдан парда бўлиши.

Демак, қиз фарзанди бор кишилар уларга кўпроқ яхшилик қилмоқлари керак экан.

4528. *Муслим ва Термизийнинг ривоятида:*

**«Ким икки қизнинг оғирини то улар вояга етгууларича кўтарса, мен у билан бирга худди мана бу иккисига ўхшаб, жаннатга кираман», дедилар».**

**Шарҳ:** Пайғамбар соллаллоҳу алайҳи васаллам кўрсаткич ва ўрта бармоқларини бир-бирига жуфтлаб туриб, шу сўзни айтганлар. Албатта, биттами-иккитами, қизни тарбиялаб, вояга етказиб, жойларини топиб, жойлаш осон иш эмас.

Одатда кишиларнинг табиатида ўғил фарзандга нисбатан мойиллик бўлиб туради. Қизларга эса исломий тарбия кўрмаган кишиларда бир оз эътиборсизлик бўлади.

Шунинг учун ҳам шариатимиз таълимотларида қизлар тарбияси учун қилинган ваъдаларга алоҳида урғу берилган. Ушбу ҳадиси шарифда ҳам икки қизни тарбиялаб, вояга етказган кишига Пайғамбар соллаллоҳу алайҳи васаллам билан биргаликда жаннатга кириш ваъда қилинмоқда. Аллоҳ таоло ўшалардан бўлишни насиб этсин.

4529. *Абу Саъийд Худрий розияллоҳу анҳудан ривоят қилинади:*

**«Набий соллаллоҳу алайҳи васаллам:**

**«Кимнинг учта қизи бўлса ёки учта синглиси бўлса, ёхуд икки қизи, ёки икки синглиси бўлса, у уларнинг сухбатини яхши қилған бўлса ва уларнинг ҳаққида Аллоҳга тақво қилған бўлса, унга жаннат берилур», дедилар».**

*Термизий ва Абу Довуд ривоят қилганлар.*

**Шарҳ:** Бу ҳадиси шарифдан киши ўз қиз фарзандлари тарбияси учун қанчалик савоб олган бўлса, сингилларининг тарбияси учун ҳам шунчалик савоб олишини билиб оламиз.

4530. *Ибн Аббос розияллоҳу анҳумодан ривоят қилинади:*

**«Набий соллаллоҳу алайҳи васаллам:**

**«Кимнинг ҳузурида бир қиз бола бўлса-ю, уни тириклай кўмиб юбормаган, таҳқирламаган ва ўғлини ундан устун қўймаган бўлса, Аллоҳ уни жаннатга киритади», дедилар».**

*Абу Довуд ривоят қилган.*

**Шарҳ:** Исломдан олдинги жоҳилиятнинг одатига биноан, қизлар ор келтиради, деган ўй билан уларни тириклай кўмиб юборадиганлар ҳам бўлар эди. Ислом бу ваҳшиёна одатни ботил қилди ва қизларнинг тарбиясига катта эътибор берди.

Шунингдек, авваллари қиз болани хорлаш одат тусига кириб қолган эди. Ислом бу ёмон ишни ҳам ботил қилди ва қизларни алоҳида эъзозлашни йўлга қўйди.

Жоҳилият жамиятида ўғил бола қиз боладан устун қўйилар эди. Ислом ҳамма болаларга бирдек қарашни йўлга қўйди.

Исломда қизларга эътибор билан қараш – жаннатга элтувчи амал деб баҳоланди.

4531. Умар ибн Абдулазиз розияллоҳу анҳумодан ривоят қилинади:

**«Солиҳа аёл Хавла бинти Ҳаким айтадики, бир куни Набий соллаллоҳу алайҳи васаллам ўз қизларининг икки ўғлидан бирини қучоқларида олиб чиқиб: «Албатта, сизлар баҳил қиласизлар, қўрқоқ қиласизлар ва жоҳил қиласизлар. Албатта, сизлар Аллоҳнинг раҳонидансизлар», дебдилар».**

**Шарҳ:** Ота-она кўпинча нима қилса ҳам, болам-чақам деб қилади. Кўпгина пайтларда ўзи учун қилмаган нарсани ҳам боласи учун қилади. Ушбу ҳақиқатни Пайғамбар соллаллоҳу алайҳи васаллам ўзларининг ушбу ҳадиси шарифларида баён қилмоқдалар.

«Сизлар баҳил қиласизлар».

Дарҳақиқат, киши боламга бўлсин деб, кўп нарсаларни бировларга бермай, баҳиллик қилиб, сақлаб туради. Боламни боқаман, кийинтираман, тарбиялайман деб баҳиллик қилади. Болам ўз тенгқурлари ичида ўксимасин, унга у олиб берай, бу олиб берай, деб баҳиллик қилади. Боламни ўқитаман, касбли-ҳунарли қиламан, деб баҳиллик қилади.

Боламни оилали қиласын, уйли-жойли қиласын, деб баҳиллик қиласы.

Боламга мендан кейин бирор нарса қолсан деб, баҳиллик қиласы.

«Құрқоқ қиласындар».

Одам боласи ўзи учун құрқоқлик қиласын да, боласи учун құрқоқлик қиласы. У менга бир нарса бўлса, болам етим қолсан деб, ўзини баъзи савобли ишлардан ҳам олиб қочади.

«Жоҳил қиласындар».

Одам ўз боласига яхшилик қиласын, деб билганини билмасликка олади. Кўпгина нарсалардан жоҳил қолади. Ушбу нарсаларнинг барчаси фарзанд учун қилинади. Чунки, эй фарзандлар!

«Албатта, сизлар Аллоҳнинг райхонидансизлар».

Киши райхонни қўриб, уни ҳидлаб, қанчалик баҳра олса, болаларини қўриб, улардан ҳам яхши баҳра олади. Зотан, ҳадиси шарифда таъкидланганидек, болалар оддий инсон эмас, Аллоҳнинг райхонлари дидир.

**Шайх Мухаммад Содик Мухаммад Юсуф**

(Ҳадис ва ҳаёт китобидан)